


雪川詩藁卷之九

後中州集

起己丑四月
至庚寅二月

吳江陳養玉文



出門

年饑故故驅人出婦病頻頻囑早歸欲別門庭無一語
東風吹淚濕征衣

晚泊張官渡是夜有月

丹陽城北十里

日落張官渡風清豁旅愁綠肥槐易暝黃嫩麥初秋野
水和潮落征帆帶月收去家程尚近歸夢亦悠悠

傳有詩紀之次韻一首

雪川詩藁卷九 後中州集

一

萬頃波光翠幾層風帆獵獵未容登世間只是無心好
著意看山便不能

○渡江懷慶符兄二首

萬里岷山水東來過石頭那知望鄉客淚盡合江樓
波浪春來闊平安信到難那知對牀客風雨宿江干

○薄暮江行

回汀落照明繞楫浪花輕岸迴帆無力濤翻月有聲悠
悠漁晚唱隱隱縣初更應被沙鷗笑孤舟日暮行

○己卯八月歸自大梁儀正學博申昂青留飲而

別今復有大梁之行昂青歿已三年矣舟過

潛然有作

故人玉骨埋三載客子黃塵別十年重到津亭分手處
柳陰還覆渡頭船

儀正阻風

滴破五更夢一晴天尚慳雲沉別浦樹雨暗過江山永
日孤村靜輕舟一喫閑何人風正便破浪海門還

曉發

客夢寒侵曉遙聞水鳥呼趁潮雙槳疾挂月一帆孤汀
柳濕如染雲山澹欲無煙江凡幾涉愛此早行圖

一徑

一徑緣崖上盤旋入翠微泉侵細路出雨帶斷雲飛草
木矜新霽峰巒競晚暉客塗晴便暖立馬換征衣

雲川詩夢卷九

後中州集

二

水阻滌西門外迂路行五十里得達珠龍橋

橋在關山

右關山即清流關也

北風吹雨濕征衣犖确坡陀野逕微避水馬知從間道
出山身似脫重圍諸峰林壑橫殘靄百戰關山映落暉
賴是閑情足吟眺迂回未覺客程非

岱山舖有小山山後水石相激潑拂有致小憩

石上感歎有作

奔流礙山石屈曲流有聲况當新雨後泉猛石愈驚遂
令空谷間終日聞雷鳴乃知物相厄莫非激而成水石
雖無情其怒尚難櫻豈無疏鑿手導之使不爭此中固
天意設險誰能明

早發岱山舖

殘更憑倦枕不耐早雞號水涸馬蹏健月斜槐影高遠
燈人喚酒重露客添袍隴上耕犁遍吾行敢嘆勞

鍾離官舍夜雨

高樓暮角沉不寐擁寒衾故國東風晚他鄉夜雨深江
湖多別日鴻雁有哀音并落燈前淚危腸恐不禁

鍾離懷古次德傳韻

鳳山形勢繞城回經始遺模亦壯哉千里東南多王氣
一時豐沛盛人材汲殘宮井澆禾黍滴陷金舖上蘚苔
莫笑漢家何事業海桑回首總堪哀

鍾離官舍苦雨呈荆谿明府

雪川詩彙卷九 後中州集

三

孤館千山裏愁霖十日禁關河魂易斷節序夏將深急
溜翻盆瀉斜飛隔幔侵排牆崩敗屋和岸卷平林欲盡
崩城版誰留換米衾竈沉蛙叫噪壘敗燕呻吟板蕩遷
都蟻淒涼棄婦禽不分牛馬色難振鼓鼙奇高臥頻中
酒無言久病瘖江湖思放浪樓閣罷登臨凝古徵曹謝

子建有愁霖賦
康樂有愁霖詩

憂時問向歆殘燈青半壁短髮白盈簪迢遞

梁園路艱辛單父琴

時余將游梁過此荆谿通
有瑞災之役數日乃歸

天涯十載別羈

宦五更心故國浮雲暗高城暮角沉凶還聚首黯黯
欲分襟月豈常離畢辰當暫別參終朝作舟楫好爲救
災稜

得慶符咨取信計今秋可出蜀矣喜而有作

瞿塘秋盡水平磯想見征帆背落暉華髮應添雙鬢滿
全家喜出萬山圍馬辭峻阪嘶風遠鶴拂煙霄盡翅飛
相羨不勝重歎息一官六載劣能歸

淮水

土人云自築高家堰長淮不能
東下鳳陽所屬州邑頗有水患

千里桑麻一望空湯湯東下路難通金錢費盡江河又
忘却淮流害禹功

舟過懷遠見小蝶羣飛居人云夾所化也

積雨摧傷夏麥稀原田無實療民饑天公忍把如雲穗

都與莊生化蝶飛

懷遠傳是
古漆園國

龍亢集野寺閒步

古殿無人靜不譁亭亭雙柏午陰斜太陽十日浮雲掩

一院戎葵臥放花

淮河舟中即事雜題六首

卅里城邊路波濤陸地生人隨蟻垤徙屋帶燕巢傾高
柳中流見枯查逼岸撐知從墟市過稍見暮烟橫

浩浩長淮水盤渦一派渾帆爭水勢逆船壓浪花翻枉

渚如迎送遙山自吐吞祇愁無處泊煙靄浸空村

晨裝不敢發停午見微曛帆角風收雨林端日漏雲山
眉描欲就霞綺剪初分賸喜前村暮鳩聲喚婦勤

殘溜落高原林梢認漲痕枯萍粘屋角崩岸出槐根浪
浸塗山國鴉朝禹會村

村在懷遠縣

東流失故道底績故難言

此鄉稱沃土麥熟飽何疑一雨無端久三農遂不支冬

藏春預盡秋種夏愆期對此憐同病吳民正阻饑

舟過龍亢集聽

居民說如此

泥行復水宿無計慰塗窮策蹇還愁雨張帆又欠風程
程飛退鷁寸寸挽強弓終愧茅簷下羲皇有夢通

懷遠縣

城中列肆魚游釜城外居民鵲徙枝千里東流無去路
西來還繞禹王祠

杞縣道中

新築禾塲似鏡平黃雲滿載積如京道傍倦客槐陰下
臥聽驅牛打麥聲

自亳至杞官柳夾道陳留境獨無之戲東許不

雪川詩夢卷九 後中州集

五

棄明府

十舍垂楊一色新獨憐百里困風塵問君池上濃如許

可有清風與路人

許官署中池柳獨多

小飲陳留官舍示不棄

十年離緒足悲涼無計風塵脫鎖韉猶有天涯倦行客
殘尊細雨話游梁

大梁感舊

昔遊踪跡久沉冥聚散驚心欲涕零風月豈知今再到
關河猶記舊曾經庭陰別後添新綠客鬢重來失故青
回首當年折殘柳依依還繞短長亭

學使署中大棠梨一株于千
十二年前見之今更榮茂故

有第

五句

大梁送德傳北遊

天涯重送客尊酒若爲傾風日欺游子雲山疊去程晴
驅太行色夜枕濁漳聲別後添佳句何人與唱賡

呂翁邯鄲授枕圖

高臥由來萬慮輕睡鄉何事更營營即看倦客愁炊熟
恐有癡人待夢成

夜雨不寐次組垂韻

夜靜虛堂暑氣收簾涼無寐數更籌梧桐葉大偏宜雨
蟋蟀聲長易感秋一夕涼生悲楚客十年重到憶并州
思鄉懷舊無窮恨併入中宵欲白頭

秋日棲鳳閣

百泉書院後

雲川詩集卷九 後中州集

六

客袂初涼候登臨意若何樓高暑氣薄山闊夕陽多酒
醒泉鳴雨詩成月浸波鄉心正無賴莫有早鴻過

送胡禹聞北遊二首

同是天涯伴相憐意倍真愁邊連夜雨客裏長年身歸
夢秋來數新詩醉有神明朝太行道悵望馬蹏塵
况值淒清候何堪送遠行千山游子路杯酒故人情北
望迷煙樹西風數客程還愁別君後目斷雁南征

送徐文始歸上黨

忽忽十年別離懷此共傾却憐同客路獨得問歸程匹
馬清漳岸斜陽古鄴城相逢更何地分手一含情

贈王孟毅即送歸漢陽

經時杖屨幸追攀，眞恨相從十載慳。
杜甫聲名老賓客，子山詩賦動江關。
歸程秋近常多雨，別酒愁深不上顏。
記取蘇門山下水，離情日夕共潺湲。

秋夕時將別百泉

疎柳露初圓，幽蟲語夜闌。
長宵歸夢熟，遠路客衣單。
閣迴泉逾響，山空月早寒。
無因戀清景，惆悵上征鞍。

鄴城不得即晤黃涪叔鮑雅宜，月夜寄懷。

照影一燈明，難堪此夜清。
天高河影闊，秋滿月輪平。
遠路三秋客，飄蓬萬里程。
相思不相見，愁絕數寒更。

秋夕時在燕城

梧竹露如傾，風飄畫角清。
秋城寒易早，客舍月偏明。
蛩

雲川詩彙卷九後中州集

七

語欺長夜鄉，心闊五更漳。
河東去急此夕若爲情。

禪陵修武縣東門外

道旁荒草蠹殘碑，時見村民奠一卮。
畢竟千年有公道，西陵唾罵禪陵悲。

曉雨覃懷道上

秋霖漠漠失朝巒，野水紛紛道未乾。
顏色丹黃楓葉老，羽毛單薄雁聲寒。
蓬飄空羨乘風易，雲倦深知出岫難。
想得故園籬下菊，雨餘香色更堪餐。

懷州官舍書懷

本與沙鷗有舊期，秋深相待釣魚磯。
那知蓬梗因風遠，遂有雲山阻客歸。
寒沼萍稀鴻影闊，高梧葉盡雨聲微。

澤宮東畔三旬住空歎新寒綻絮衣

昔年遊梁與獨亭兄話別有老屋三間菘一畝
故鄉堪夢不堪歸之句今茲再到倏復判年
追念前詩不勝感歎賦此自嘲

秋風門外釣魚磯繞舍青菘兩後肥風景故鄉渾不惡
問君底事不堪歸

山公祠

武陵縣西二十里
公墓即在祠後

參差古屋晚蕭森寂歷秋原落照沉荒草有碑供蘚蝕
空林無葉與風吟鄉人懷舊蓋寒藻過客題詩憶竹林
太息海棠今幾變故村唯見暮雲深

土人相傳有山家莊爲公
故里其子孫宋季藏於兵

歲暮即事次馮文子韻

時在下

雲川詩宴卷九

後中州集

八

倦遊歲晚滯天涯好事空憐旅况賒悶畫爐灰因得句
戲承簷雪試煎茶良朋書去時縈夢故國人還屢憶家
更恨今宵殘醉後清樽不得照梅花

送文子歸吳

天涯獨羨理歸裝驛路雲山去莽蒼得就道還愁歲暮
未登車已怯途長倦遊舊雨憐同載

時山陰周彥升錢塘孔旦華同歸

久客

新詩喜滿囊自笑今宵有歸夢比君翻早到江鄉

送周彥升孔旦華南歸

歲晚天涯客相看別恨長燈前辭酒伴驢背壘詩囊雞
唱山沉月烏啼屋帶霜倡酬多好句應滿酒家牆

自許歸汴連日早行塗中雜詩四首

客子起常早未明心自驚枕前看月落馬上待雞鳴風
陷裘毛薄愁欺酒力輕相看春又至何計遂歸耕
畫角凌風斷疎鐘迨曉聞星垂明似月樹擁密如雲踟
影驢隨伴尋聲雁叫羣梁園歲云暮便恐雪紛紛
寒林空落葉野渡不聞漸霜重樓烏滑冰輕立鷺危西
風晴燒遠荒塢午炊遲賴得旗亭近猶堪煖一卮
溱洧帶荒原蒹葭倚近村羣飛鳧陣闊聚宿雁沙溫釣
渚春來好梅村雪後繁故山無信到寂寞赴梁園

歲暮大梁不得慶符消息

翹首天涯送雁飛自憐歲晚未能歸冰霜路阻人難到
風雨宵寒夢亦稀遠客未知何計是窮途轉覺寸心違
故山雲水應無恙棲息何年共釣磯

哭山堂兄四首

忽驚逝水逐崩沙淚灑西風點點斜辛苦一官拋半道
漂零十口落天涯死猶勤事堪酬國生自成名不到家
最是黃昏愁絕處戟門哀管與悲笳

慟哭高堂白髮新天涯望斷故園春頻年凋喪餘孤稚
再世伶仃絕近親常怪皇天無老眼不知壽考竟何人
門前嗚咽東流水行道猶看墮淚頻

物望中朝孰與過斯人真足挽頽波孫劉迹絕扳援少
洛蜀交融意氣多秘館空傳留筆札

御選四朝詩
皆係山堂編校

中州曾

未遍謳歌

上校河北三郡
及許州而已

當塗幸不違輿望猶得清風配兩

河歿後中州士子公顯臺
司郡邑得崇祀名宦

窮塗珍重故人情欲報知難起
九京千里相招成永訣
百年未滿況來生遺孤我痛嵇延祖
死友誰當范巨卿
愁殺蕭蕭今夜雨清燈照影夢難成

渡江書歎

此身空老道塗間擾擾曾無一日閑
故國又逢春雁去扁舟獨趁暮潮還
東風綠遍沿江柳落日黃沉隔岸山
慚負金焦舊時約也應憐我鬢斑斑

歸舟聞婦病亟書悶二首

近家心更迫一夜夢千迴
便恐歸無及還疑死可回
強言雖自慰老淚已頻摧
那更舟行滯江潮逆浪來

雪川詩彙卷九後中州集

十

行李淹何久沉綿恐不支
但思一見詎敢望百年期
門戶持應悴膏肓諱莫知
前月婦春書來云已向愈刀環空有約凝望益淒其

雪川詩藁卷之十

吳江陳葦玉文

遣懷集

起庚寅二月至六月

見燕

不信春風解斷腸
悲來觸緒未能忘
傷心又見營巢燕
依舊雙飛繞画梁

別恨

梁園悵望未能回
別恨應齋入夜臺
今日梁園人到也
夜臺知是幾時來

悼亡

歸時我欠臨終別
忍死君多憶遠愁
異地呼聲常不徹

雪川詩藁卷十

遣懷集

一

重泉寄語竟無由
乍看兒女魂先斷
欲問旁人淚便流
從此傷心出門日
更無人望大刀頭

短夢昏昏斷後緣
夢中相見亦堪憐
最難暝目惟身後
曾未開眉向死前
萬事傷心緣我累
百年遺恨負君賢
悲懷豈是詩能遣
腸斷遺言恐未然

遂成
妖夢

言居嘗不快意輒云莫待我死後作詩悼亡也豈斯言

清明

往年祭祀逢寒食
憶得羹湯手自成
今日還攜小兒女
為君澆酒作清明

夢中

東流無復水重回
欲斷危腸暗自摧
見燕引雛還墮淚

聽鳩呼婦不勝哀春風隴上新寒食夜兩堂前舊鏡臺
子母重泉相見否夢中猶望寄聲來

去年今日

落花不語空辭樹飛絮無情自滿池泉下有知還憶否
去年今日別君時

晤竹西有感

沈近要
長君

同心同病遠遊非運落風波願總違別後征塵俱點鬢
相看老淚各沾衣三聲遺恨窮猿哭萬里無家獨雁歸
憶得故山詩句在不堪回首倍依依

竹西舊有句云十載猶塵
成底事抵今日故山無

湘湖

扁舟信往還不異畫圖間派接三江口波搖兩岸山蘋

雪川詩彙卷十

遺像集

二

花穿棹遠竹徑繞村彎况有萼絲美他年莫惜開

遊會稽吼山次朱泂洵韻二首

浮影菴

俗呼
水藻

雨收山寺曉孤艇帶煙浮嵐影投明鏡波聲撼小樓洞
開雲半壁橋豁水分流猶有殘碑在當年記勝遊

山為石
黃先生

所關

空明菴

俗呼
旱蕩

竹徑埋幽壑松堂俯碧灣晴飛半巖雨寒浸一池山雲
外鐘聲小煙中鳥語閑倚樓尤絕勝日暮不知還

菴中小
樓尤勝

南鎮

東多名山高莫稽山比山高出雨雲布護及千里羣

山所朝宗生民皆賴倚大禹會諸侯於斯貢篚嗣後
南鎮名祀典垂歷禩五嶽四瀆外秩亦五等視我來謁
山靈有廟翼然峙丹青施牆孺金碧鋪堦祀儼然王者
像黼黻而冠履其後爲寢宮制亦妃后儼尊嚴儼神棲
肝蠻若尺咫天家舉非常遣吏告有事歷代祭告文一
一列碑誌考古辨歲年不載廟所始唐宋初造亡元明
略可紀字跡半摧殘詞意多媿鄙廊廡覽未周歎息不
能已吾聞古聖王肇祀必有以名山及大川其神不遷
徙山之神在山水之神在水若舍水與山神復何棲止
况神異于人非可以意揣後代何夢夢藜越無不至河
嶽增須眉山水佩朱紫旣奉配偶尊復加謚號美名爲
奉神明無異玩傀儡非惟悖禮經抑亦作神恥安得曠
世賢明德格遐邇遠追古祭法陋習爲一洗祀山於山
巔祀水於水涘爲壇以告虔布席以成禮其餘不經者
應悉從壞毀毋令駭愚民紛紛惑非鬼先正嶽瀆典次
及山川祀歲歲稽山鎮永錫民福祉我言倘非迂山靈
其鑒此

蘭亭

茂林修竹裏丹青曲水湍流結字形要與太平添盛事
不妨絲竹奏蘭亭

舟過富春與李眉菴明府話舊

久別春江望眼迷故人情重話分攜嘶風老驥塗猶熟

困雨饑鳥翅儘低鄉夢應隨潮水北

李家

客帆常挂夕陽

正

余舊治桐江在富春之西

江樓舊日憑闌處猶記新詩手自題

春江第一樓在城東余昔

嘗方

詩

○次韻答桐廬張天池明府二首

百里春江路慚無棠樹陰夫君多惠愛撫字劇勞心
茶戶雨初足秧田水已深薰風披拂久一笑豁煩襟

桑下曾三宿重來滿樹陰愧無碑在口猶記水盟心
江上孤帆小樽前細雨深雲山吾故舊相對好開襟

●●重過桐江志感四首

好在州民意不忘競前迎勞共扶將登山路熟如歸客
執手情親似故鄉客鬢已輸芳草綠縣門仍對夕陽黃

靈川詩集卷十 遺懷集

四

相逢堪慰還堪歎回首流年感慨長

一別驚看歲月遒全家曾此五年留依然潮送初來路
不改山圍舊住樓反哺故巢烏再到雙棲空壘燕重遊
娟娟江上當時月肯信人間有此愁

簿書豈敢厭風塵碌碌差能少俗情謝客詣僧因看竹
放衙把酒爲聽鶯花開九里如詩瘦月上雙臺比吏清
陳迹而今堪一笑只應留此作官評

分手雲山忽幾時扁舟再到豈前期吏民空認別來面
官長翻多去後思遺愛不須鄉立社疚心幸少石鐫碑
唯餘一事還堪累邑乘他年戴竹枝

余有竹枝詞三十首頗道此間風俗

昔年去縣時柯生茂蘭有句云庚桑尸祝原非

願不是人無畏壘情蓋指予不肯立碑而言
有感其意次韻奉答

碌碌曾無德政名鐫碑何用罔虛聲故人誼重南山石
一首新詩較有情

答士民

苦調知難覓賞音相逢猶記舊鳴琴當官得失何人辨
也似文章問寸心

圓通寺老僧德宗能詩余舊有覓句湯休髮白
之句蓋指宗也紫霄觀道士葛茂隆前年曾
省余於家余以二詩贈之今過桐則二人已
相繼化去因閱舊詩感歎不已口占絕句題

雲川詩集卷十 遊懷集

五

於寺壁

三年夢幻亡圓澤萬里孤飛失佐卿惟有重來房次律
手書省識似前生

房曾官
相廬

江行用東坡先生煙江疊嶂圖詩韻贈天農二
首時天農爲常山令

清江倒載千萬山山插水浮蒼煙江波東去落滄海
唯有山影常依然我來正泝逆流上又值積雨山奔泉
平時灘淺不沒踝今已漲灑成洪川東風差差起船尾
片帆欲挽輕舟前進無尺寸退尋丈始信人力無如天
舟行十日半千里坐臥細看山姿妍憶與雲山一分手
荷簑久種湖中田回首初來兩青鬢彈指不覺過十年

低徊自歎才碌碌衰遲敢惜顏娟娟唯恨當年囚塵鞅
不得快意松間眠常山山水亦清絕幽曠不減桐山仙
故人別久勞夢寐葦間一棹來延緣相逢急欲索一笑
推蓬自寫煙江篇

老坡作詩如画山興酣滿幅推雲煙今我看山如看画
屏風百疊山蒼然詩畫描寫不到處但怪霹靂飛清泉
清泉本自落峰頂顛倒嵐影鋪長川一自江邊作逋客
勝遊欲續無因前雲山喜我今再到一笑翻動水底天
故人高才挾天手萬戶不博千詩妍竭來低頭困簿領
何異騏驥驅耕田定知天公作戲劇故以山水娛流年
煙江疊嶂紛眼底特倩妙手摹嬋娟我來訪舊亦何事
篷牕十日看山眠画圖故應突王詵詩格那得追坡仙
吾儕賦分遠梁肉清泉白石前生緣請君勉作煙霞主
且莫亟賦歸來篇

是日晤天農有思歸
之語故借坡詩慰之

雙檜篇爲西安葉生作

海山何處雙飛仙乘空汗漫遊天邊愛君池館清而妍
忽然植地三百年紅塵不到絕世緣已過有明及前元
筋骨瘦勁毛髮鬢面目嚴冷削兩顴裳服不作世俗鮮
長身兩兩古錦斑不分主客孰後先自是兄弟行隨肩
清風明月夜靜便定應有語人莫傳傍有兩桂稱後賢
問年僅在嘉隆間雖無仙骨亦老禪相對正足談空玄
山茶晚出更可憐百歲猶逞花娟娟神仙曾不數彭錢

小劫止過滄桑前君家世德何繇繇十傳老屋還依然
蒼鵝出地刮火燃秦松漢柏俱傾顛積善遺澤如源泉
大浸弗溢燎弗乾故能堂構無崩騫旁及草木猶堅完
我來十日樹下眠餐吸風露俗慮捐凜凜朝夕生敬虔
應有清氣來詩篇我詩不鬪麗與駢聊爲老檜傳神全
自恨世網時拘牽幽境不得常流連祝君從此保歲寒
爲我隙地留東偏他年卜築成往還共對萬古蒼蒼煙

西安葉氏小園

無復紅塵戶外侵不離城市即山林池清倒浸穿雲月
風好遙傳隔樹禽檜影過牕知暑薄竹枝垂戶覺煙深
暫來已足抒幽抱那得終年對此吟

雪川詩集卷十

禮懷集

七

聽天農談浙中近事有感二首

見說時情絕可歎風塵懷抱若爲寬清時有味皆荼蓼
孤宦無人話苦酸世已盡然寧獨爾子猶如此可知難
風波吾是曾來客自分迂疎意轉闌

徵發何嘗有令程追呼曾不到編氓惟官疾苦偏無告
自上征求悉有名法網故爲吾輩設憲條祇要末流清
勸君不用頻嗟惜盤錯方看利器成

題姑蔑葉椒生

淑

衍孩音集後九首

清詞麗句絕纖塵妙處無過一味真識得此翁詩格否
陶前章後更無人

平澹家風嗣阿誰詩當妙處始能奇此翁妙在無奇處

正恐時賢未備知

太末千峰秀絕倫慣鍾詩筆發精神柯山長句西征賦

五百年來見替人

郡人盧襄字贊元宋元符間人有西征賦及爛柯山長歌見秀水閒居及揮麈等錄爛柯山俗呼爲柯山郡

城南廿里

伐毛洗髓語非誣津逮何人解問途知有淵源無處覓
略從詩外見工夫

鬪險爭奇絕可歎工夫勝處在吟安仙人常語皆神妙
莫詫其間一字難

傲骨由來絕委蛇一官曾未合時宜笑他到老如薑桂
吟得無人愛處詩

鸞鳳誰能畜近郊鴟鳶腐鼠漫相遭算來也得渠儂力

雪川詩集卷十 遺懷集

八

成就先生此段高

燒鉛煉汞枉年年凡骨無由脫俗緣願就先生乞丹訣
只求自在不求仙

後世何知楊子雲覆甌端合誚今人桓譚亦是同時者
曾向玄亭歎絕倫

三衢夜雨

此身漂泊欲何依夜雨山城自掩扉萬里西風孤館客
百年心事釣魚磯短檠花落雞三唱矮屋聲喧竹四圍
莫怪清宵歸夢杳異鄉酒力不勝微

庚寅夏自錢塘訪故人於姑蔑泝流西上重過

舊遊舟中得雜詩十首詞不詮次

解纜棹亭晚扁舟不計程
飄隨潮勢疾月入客懷清遠
樹臨流待疎鐘渡水迎
別來曾未久相顧有餘情
海上無雙月江邊第一樓
每乘殘醉至幾爲晚霞留
此去誰青眼重來欲白頭
闌干曾倚處回首思悠悠
肆岬桐君宅浮圖出遠空
四圍秋月白一面夕陽紅
佛火浮寒浪鐘聲落晚風
熟知清絕地近出郭門東
山排衙舍後水到縣門前
自謂官如隱人稱吏似仙
訟堂啼烏樹判牘落花泉
猶憶公餘日松聲聒晝眠
最是深秋候雙臺晚更妍
青山黃葉寺紅蓼白鷗天
雁沒殘霞外帆收落照邊
子陵垂釣處蒼靄撲漁船
冷水危亭古徘徊欲去遲
愛看雲過峽坐聽鳥移枝
倚

雪川詩集卷一 遊懷集

九

石安茶竈臨流泛酒卮
雨雲分散後苔沒舊題詩

冷水亭去縣治

五里舊嘗與少尹連君學博江君游此今兩君皆去作久矣

山徑舊曾諳深林策杖探穿雲
尋石竇聞磬覓僧菴竹

引過橋北花邀渡水南煙霞知有疾
猶幸未名貪

青山江上路雨後景偏奇
遠瀑穿巖險高峰插霧危
画

來無定態吟罷有餘姿
輪與臨溪叟終年把釣絲

第一高峰上曾來竹閣眠
聽松半夜雨燒笋一厨煙
天

近明星大山空午磬圓
何時採藥去此境不無緣

大奇山邑中最

高山也舊曾宿此

俯仰皆陳跡重游絕可歎
不聞雲作雨又見水爭灘
亭

廢休遲月臺傾罷倚闌
多情唯落日戍角一聲殘

西臺舊有石亭

郡東北高峰舊前有臺俗呼為方臘拜
將臺二處余嘗登眺去任後皆廢矣

黷宮歎

峩峩學宮郡邑置棟折梁摧積年歲憲條歲歲令捐修
官長頻來估工費工費殷繁計莫支姑令有罪輸磚墮
從此誅求遂有名累百盈千無顧忌朝廷作養在宮牆
那識生靈從此斃郡僚作法縣僚遵後吏復踵前吏智
振興學校有美名不用苞苴享厚利一朝白簡究貪污
仍指宮牆為蔭庇

役夫歎

橫江千鷁如風趨役夫萬指爭牽扶灘高水逆不得上
以頭搶地聲酸呼舟中大人勢赫奕親承 天語來

雲川詩集卷十

遺懷集

一

皇都山賊殺官猶漏網特令推勘窮根株大吏俛首伺
顏色小吏迎拜紛紛泥塗沿江官役萃千百舟車繹絡一
月餘百金不足一朝費累累官帑皆空虛 九重但防
外吏詐奉使豈必能周諏况復賊壘路紆折徒擾父老
拋耰鋤嗟嗟役夫爾勿怨長官被筆無完膚

時縣令有以夫
役不備被掠者

窮吏歎

將軍大怒笞窮吏下馬親身執鞭箠衣冠手搏裂道傍
流血沾襟不能起大人奉 詔勘深山亦有中丞同相
視舟車夫馬責紛紛供給尤須夙為庀昨聞官校將入
山空村盡室先逃徙縣官飛走苦無門恨不將身化羊
豕 天子惟憂賊害民那愁官為將軍死將軍不殺縱

寬仁明日中丞肯貸爾縣官縣官爾何愚不畏將軍憐
赤子官軍過去百姓來涕泣扶官回縣裏

貪官歎

有吏貪污以賍敗被害人人心一快含冤爭望問官來
大創貪污垂炯戒委官承審坐堂皇不問貪官問被害
可憐被害多冤民前此身家已破碎當初指望雪沉冤
豈料而今冤更大重科罪犯過當初 欽案還須費三
倍後先一樣是貪官以貪問貪尤意外但願貪官勿復
糾被害冤民不堪再

富民歎

白晝攫金不待夜分明劫奪猶云借從來行賄止罪人

雪川詩集卷一

遺懷集

十一

那知無罪尤難赦可憐溫飽皆良民閉門自謂身無過
媚官吏役獻奇謀不用科條用恐嚇累百盈千按籍求
竭澤而漁無細大傾貲不異爲官藏已經破產猶疑詐
前官方去後官來府吏未休縣吏下因官自要飽妻孥
致我妻孥常凍餓富民富民爾莫嗟何不西園早諧價
假饒家破得一官亦有爾民家可破

留別天池

輕橈又去白鷗羣日落沙明細草熏送我只應江上月
贈君猶有嶺頭雲四郊疾苦知前累三載謳謠異昔聞
山寺鐘聲知欲發隨風相逐亦殷勤

臨終詩四首留別諸同志

辛卯中秋
後二日

兩曜無停機委運固其理修短良不齊誰復能逃此俗
士戀其生涕泣對妻子達士輕其生鷲蟻均一視二者
皆棄天有識所深鄙君子則不然奉身以終始生有所
以生死有所以死吾聞諸曾子至死而後已

老莊稱曠達乃是狡獪人死生亦大矣此其病之根膚
髮當全歸胡爲患有身順生而寧歿妄謂火傳薪二氏
竊其說乘間鼓萬民坐令臣與子不識君與親平生究
六籍頗識治亂源邪說苟不滅萬世無中原惜哉志不
逮未睹清三辰斯責諒有在後死當自振

少時苦冥頑白日徂青春稍長奉師訓粗知學之門豈
不生慕悅誘奪常紛紜雕蟲與刺楮矻矻忘朝昏縱令
有可觀枝葉非本根况復未能工徒敝精與神蹉跎三
十載遂成下愚人此恨塞宇宙刺肌詒子孫
我有同心人道義相友師頻年喪逝多存者復別離即
今將去客欲別無由辭丈夫會有志豈爲兒女私所恨
在世日辜負箴與規臨風一長歎願爲諸君期百里半
九十一篲功莫虧殷鑒庶不遠請君視此詩

哭玉文

辛卯十月廿二日在江
西興國署中聞信作

獨亭

嗚呼斯人止于斯東湖一別成長辭異鄉惡耗傳參差
更訪鄉人定不疑臨風雪涕摧心脾與君少長相追隨
暮年出處偏睽離憶昨北歸慰相思執手喜極還添悲
嗟我垂老應衰羸君未五十鬢已絲君初過我孟秋時
我旋訪君登高期離懷惘惘言多遺中間更約同舟移
入山探桂候正宜旬日流連興未衰浮生得閒那易幾
會合未久還歌驪襪被我復行天涯去年端州舟始維
雙魚忽達江之湄知君抱疾遭庸醫屢試增劇消膚肌
後得名家言可治改方換劑稍安之誰知岐路又有岐
積漸膏肓術莫施算君年來何數奇骨肉摧折凶禍滋
甫終親喪再服期痛悼嘉耦兼嘉兒薄宦歸來常苦飢
可堪樛婁仍纍纍惟當努力致期頤門祚衰薄須撐撐
溘焉齋恨遂已而鬼伯酷虐天無知霜蹶忽蹶千里馳
健翮竟隕凌雲姿鄉邦失賢多連泐海內惜士應嗟咨
豈獨親愛哭我私嗚呼斯人止于斯

重哭玉文四首

壬辰中元
沙溪作

灑出痛腸淚重泉定有知淒涼異鄉夢鄭重遠書辭淪
喪人言命歸來我悔遲空留遺照在神貌恨參差

辛巳歲予與玉文同在都門于汪安公太
史寓齋請馮尚基鴻臚寫照俱不甚似

伏枕將期月浮生未五旬病深人不識醫雜藥無神薄
業隨身盡鴻文滿篋新風流知不墜莫恨子孫貧

嶽嶽東湖水熙熙沙澤村幾回逢倒屣此日最傷魂劇
飲樽猶在雄談席尚溫平生餘意氣回首不堪論
有懷常抑塞未老已摧殘宦緣皆淺行藏道總難秋
風庭院寂落月屋梁寒此恨知何極茫茫溟渤寬



